



UNIVERSITÄTS-
BIBLIOTHEK
PADERBORN

Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

28. Dies Janvarii. Pœnitere, non impeditur temporis angustiâ, Dei
misericordia. Chrysost. in Psal. 50.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

Confessores, Virgines, Martyres, Cælitæ omnes : extendet se ad ipsam Dei Matrem, Dei Filium, in totam cœlestem curiam : Hinc dicit Christus : *Gaudium erit in cœlo.* Et malis momento uno, jacere in cœno, amplecti lutum, quàm toto gaudio implere cœlum? Indurate peccator, credisne sacris litteris? Credis Deo, qui toties, & tam multa dixit contra cordis tui duritiam? Vide, quid à te requiritur. Nihil prorsus quod non possis, non jejunia, non eleemosynæ, si non possis, non prolixiores, quàm possis, preces fundere, non quidquid extra te est; sed hoc unum, quod à te totum est, ut te præteritorum pœniteat, & seriò resipiscas. Dic ergò prodigus cum prodigo: (a) *Surgam, & ibo ad Patrem.* (b) *Qua spe* (ait Chrysologus) *qua fiducia, qua conscientia? Qua spe illa qua Pater est. Ego perdidit, quod erat filii, ille, quod Patris est, non amisit. Apud Patrem non intercedit extraneus: intus est in Patris pectore, ipse qui intervenit, & exorat affectus. Urgentur Patris viscera iterum filium genitura per veniam. O quàm facilis est post delictum venia delicti. Ut sis post innumera scelera sine periculo tutus, sufficit vel unicus in Christum obtutus; ita monente Poëta:*

Si malefecisti, mox respice vulnera Christi.

28. DIES JANVARI.

Pœnitere, non impeditur temporis angustia, Dei misericordia. *Crysol.*
in Psal. 50.

I. Ad-

(a) *Luc. 15.* (b) *Sermon, 2. de Filio Prod.*

Januar.

Stimuli ad I.
conversio-
nem.

Tessera.

75

A Dhuc dubitas pœnitendo ad Deum reverti, à quo peccando fuisti averfus, & inde perverfus? Quid te retardat?

An quia peccata tua sunt numero plurima, enormitate maxima? Tempus verè quo possis pœnitendo peccata delere, breve, contractum, angustum? Spem præbeat, animum erigat tua hujus diei tessera. Nihil velocius tempore, velocior tamen est misericordia illius, in cujus potestate sunt tempora. Obstupesce hîc ejus velocitatem. Pauca, post gravissima flagitia protulerat verba David. (a) *Peccavi Domino, Dominus quoque transtulit peccatum tuum.* Respondit Nathan. (b) *Velox Confessio,* (ait Chrysostronus) *velox medicina. Facto peccato, verbo pœnituit. Annuat Deus, correctio facta est. Vulnus apparuit, & sanitas rediit.* O peccator! Constas corpore, quod est cognatum brutis; constas anima, quæ est cognata Deo. Cur iam morbis tuis partem tui humiliorem, præfers parti nobiliori? Sollicitudo præcipua, sit rei præcipuæ. Prima cura sit primæ partis, hoc est, animæ, propter quam est corpus. Animi morbi sunt multitudine plures, magnitudine graviores, periculo majores. Ejus medicina non tantum prompta, sed certa; quia satis est, ut saneris, velle sanari. Corporis curatio, est fallax: sæpè enim post omnia pharmaca, non tantum non abigitur morbus, sed & moritur corpus.

II. Vide nunc, quàm sint morbi corporis curatu difficiles, quàm ægrotanti intolerabiles. Sinis tibi aperiri viscera, ut calculus eximatur: sinis carnem vivam inuri, ad vulnus leve per sanandum, imò artus & membra integra modico carcinomati impediendo,

(a) 2. Reg. 12. (b) In Psal. 50.

diendo,

dendo, disseccari. Quot sumendæ potiones amarulentæ, & hæc omnia magno quæstu, & pecuniæ jaeturâ. Nec ea sunt in promptu: quæruntur illa transmaria, in remotissimis, & sub alio Sole calentibus regionibus: Animæ verò pharmaca non sunt quærenda apud pharmacopæum foris, habes domi: non sunt à te remota, sunt planè vicina: non sunt extraneæ nec circa te, sed in te. Quid adhuc te retardat à pœnitentia? Te mone, te adhortare, te incita: ut peccata tua omnia dimittantur, nihil desideratur præter tuum desiderium. Omnia creata propensionibus suis naturalibus, vestigium Bonitatis Divinæ amanti quærendo benè esse. Pudeat te, & pœniteat veram ipsam Bonitatem, propensius te non amare, cum fortior sit qua polles gratia, quàm qua constas natura. O quale illud erit, cujus vel umbram tot conatibus amanti creaturæ: ad quod aspirat, & suspirat conspiranti consensu totus omnium amor. Tu omnes dispersiones inclinationum, omnes errores cupiditatum in te congregare labora, ut in Deum contendas, & emendes oblivionem hominum, & in amando errores.

III. Quam potes comminisci rationem, qua excuses tuam locordiam, ut non convertaris ad Deum & quidem sine mora, statim, hæc horâ, & quidem toto omnium virium conatu? An quòd non sentias tuum malum, cum ad oculum non pateat? Sed monearis per fidem, cui potius adhibenda est fides, cum sit certior iis, quæ oculis vides. An quòd natura nostra sit infirma, & non tantùm prona, sed præcepta ad malum? Sed vel ideò debes converti ad Deum, ut flagites ejus gratiam, qua velis, & robur quo possis

tot hostibus resistere, imò vincere, ne aliàs succumbas & occumbas. An quòd plura sint, quæ pelliciunt lenocinia ad peccandum? Falleris, plura sunt, & efficaciora ad virtutem invitamenta. Si mundus hortatur, Deus vetat: si natura inclinatur, gratia compescit: si dæmones suggerunt, Angeli inspirant. An quòd malis hîc benè sit? O vesania! amare momentaneam prosperitatem, & non timere calamitatum æternitatem! An quòd speres in sera ac decrepita senectute, spatium pœnitentiæ, quia Deus multos expectavit diu, ut parceret semel? O insensate! non est promissa vita, sed oblata venia. O ingrate! abuteris gratiâ Dei, & misericordia? Cave: justus est Deus, & quia justus, non injustè aget, si non indulerit veniam, quando ad illum venies, & quando converti volueris, cùm nolis, modò dum te invitat. Erit forsitan, quando ob seram pœnitentiam, seriò pœnitens, tibi occines illud, post cladem Cannensem Hannibalis, *Cùm potui, nolui, cùm volui, non potui.* Idcirco

*Esse bonus propera, nunquam nimium properabis,
Qui non est hodie, cras minus aptus erit.*

29. DIES JANVARI.

In via Dei timore incipitur, ut ad fortitudinem veniatur. *Gregor. in Med.*

Conversio I.
inchoanda
timore
Dei.

Pœnitendo quod feceris pœnitenda, nunc stas in via arcta, quæ ducit ad vitam. Qui te in via, ne aberres, præcedat dux, sic

Timor: